



ԲՏԱՍԱՆԵՐՈՒՄԻ ՏԱՐԻ  
ԹԻՒ 7.

ԱՄՍԱԳԻՐ

ՅՈՒԼԻՍ 31  
1877.

ԱԶԳԱՅԻՆ, ԲԱՆԱՍԻՐԱԿԱՆ, ԳՐԱԳԻՏԱԿԱՆ  
ԵՒ ՈՒՍՈՒՄՆԱԿԱՆ

ԿԱՐԵՒՈՐՈՒԹԻՒՆ ՈՒՍՄԱՆ  
Ս. ԳՐՈՑ (\*)

Գ.

ՀԻՆ ՀԵԹԱՆՈՍԱԿԱՆ ԵՒ ԱՐԳԻ ՔՐԻՍՏՈՆԷԱԿԱՆ ԱՇԽԱՐՀԻ  
ԲԱՂԴԱՏԱԿԱՆ ՔՆՆՈՒԹԵՆԷՆ

Լաւ է կոյր աշօք : քան կոյր մտօք :

Ս. ԳՐՈՑ ուսման կարեւորութիւնը ղդպել կերպիւ յայտնի կը լինի նաեւ այն ժամանակ երբ մարդ կ'ընթերցատիրէ ուշադիր մտառութեամբ հին Հեթանոսական և արդի Քրիստոնէական աշխարհներու՝ այն է ազգաց և ժողովրդաց պատմական կեանքը, կը քննէ

և կը բաղդատէ միմեանց հետ նոցա ներքին բարոյական կենաց վիճակն ու որպիսութիւնները, նոցա կրօնի և գաղափարաց տեսակէտերը կամ հիմունքները, նոցա հոգւոյ և մտաց մշակութեան եղանակները, նոցա բարոյական յառաջադիմութեան և զարգացման սահմանները և վերջապէս նոցա կենաց և գործոց հետեւանքը :

(\*) Շարունակութիւն, տես թիւ 6 :

Այս քննութեան կամ բաղդատութեան դէպքի տարբերութիւնն արդէն յայտնի կը տեսնուի նոյն իսկ նախ քան զդառուստն Քրիստոսի եւ նախ քան զյայտնութիւն նորա Աստուածային վսեմական վարդապետութեանց եւ Քրիստոնէական աշխարհաշէն բարոյական օրինաց, այն է Հրէայ եւ Հեթանոս ազգաց պատմական կենաց մէջ: Երբայեցւոց ազգն որ իւր ճշմարիտ աստուածածանօթութեամբ հեթանոս աղգաց այն անհամար բազմութեան մէջէն զատուած եւ որոշուած՝ Քրիստոնէութեան ստուերական օրինաց միջոցաւ կը կառավարուէր, իւր կրօնի, սլաշտման, ճիստապատարութեան, թէ՛ անհատական եւ թէ՛ ընդհանրական սլաշտուորութեանց, իւր բոլոր գործառնութեանց եւ կենցաղավարութեան համար աստուածագիր օրէնքներ եւ կանոններ ունէր. երբ զբնաստութեամբ նոյն օրինաց եւ կանոնաց համեմատ կեանք կը վարէր, շատ բարելաւ, քաղաքակիրթ եւ յառաջագէտ վիճակ մը ունէր հեթանոս ազգաց վիճակէն աւելի բարձր եւ վայելուչ մարդկային արժանապատուութեան: Երբայեցւոց ազգն իւր բոլոր կենաց մէջ ցոյց տուած թէ՛ անհատական, թէ՛ ընկերական, թէ՛ ազգային եւ թէ՛ կրօնական առաքինութիւնները, մեծութիւնները եւ մարդավայել ամեն արարքները կը սլաշտի իւր օրինագրքին, զոր յԱստուծոյ ընդունած էր, յորմէ զուրկ լինելով հեթանոս ազգերն միայն բնական օրինօք եւ իրենց խելքի հնարած միջոցներով եւ կրօնքով կառավարուելով ազխտութեան մի այնպիսի խորին խաւարի մէջ կը թարթափէին, որ օր քան զոր դէպ յանկարգութիւն, յանբարոյականութիւն եւ յապականութիւն կ'առաջնորդէր զնոսա. այնպէս որ երբ Հրէաստանի սահմանափակ շրջանակէն

զուրս ձգէ մարդ իւր տեսութիւնը, սոսկմամբ եւ արհաւրանօք կը լեցուի իրեն ներկայացած անպատմելի այլանդակութեանց, սլաշտի անբարոյակա՛նութեանց եւ սոսկալի անգթութեանց երեսէն, որք անխտիր եւ առանց խղձի կը կատարուէին գրեթէ բոլոր հեթանոս ազգաց մէջ ՚ի շնորհս իրենց այլանդակ կրօնի եւ անհեթեթ աստուածոց:

Ի՞նչ է նոցա կրօնն եւ ո՞ք անոնց հեղինակներն, նոցա կրօնն է երեւակա՛յութեանց այլանդակ ծնունդներ. իսկ հեղինակներն են աւելի ճարպիկ եւ խորամանկ մարդիկներ, որք քաջ վերահասու լինելով՝ ժողովրդոց կրօնական զգացմանց ուրբան անձնատուր լինելը՝ այսպիսի ճարտար միջոցներով կը յաջողին ազգեր եւ ժողովուրդներ իրենց նպատակին ծառայեցնել. գալով նոցա սլաշտած անհեթեթ եւ այլանդակ աստուածոց, զարմանօք կը տեսնէիք թէ ի՞նչ են, կամ անզգայ դրօշաւներ եւ արձաններ, կամ անբան եւ զազիր անասուններ, ինչպէս Եգիպտացւոց եւ Հնդկացն, եւ կամ երկնային մարմիններ եւ երկրի տարերք, ինչպէս Պարսիցն:

Իսկ արդ՝ երբ բանական մարդն խորին ազխտութեամբ այնքան կը ցընորի, որ անզգայ տարերց եւ անբան անասնոց իբրեւ աստուածոց սլաշտօն կը մատուցանէ, իւր ձեռագործին կամ իւր ծառայութեան համար սահմանեալ անբան արարածոց առջեւ կուրորէն ծունր գնելով սրաղատագրին անոնցմէ օգնութիւն, ձեռնտուութիւն եւ յաջողութիւն կը խնդրէ. այն տեսակ մարդերէն ի՞նչ բարիք կամ ի՞նչ առաքինութիւն կարելի է սպասել. եթէ ներելի է յիմարէն հանձար եւ իմաստութիւն ակնկալել, ներելի է նոյնպէս ապշութեան եւ անբանութեան հասած մարդէն բանա-

ւոր և օգտակար գործ անկապել. հետեւաբար այստեսակ անբանական վիճակի բնական հետեւութիւնն է այն ինչ որ էր հեթանոսական կեանքն, ընդհանուր անբարոյականութիւն, ապականութիւն և ցոփութիւն, որոց մէջ մինչ ՚ի սարանոց ընկղմած էին գրեթէ բոլոր հեթանոս աղգերն իրենց ապականեալ և պղծագործ աստուածոց նմանելու ջերմեռանդ կրօնասիրութեամբ. որովհետեւ կը տեսնեմք հեթանոսական մատենագրութեանց մէջ, որ հեթանոսական բազմութիւ աստուածոց այն ամբարիշտ անբարոյական պատմութիւնները, ապօրինի սէրն, զազիր, պղծութիւններն, անգութ խժոժութիւններն, նախանձու և ատելութեամբ վառեալ իրարու դէմ յարուցած հակառակութիւններն և մղած պայքարներն ժամանակի վիսպասանաց և բանաստեղծից միջոցաւ մեծ տեղ բռնած են ժամանակի մատենագրութեան մէջ, որք իբրեւ կրօնական երգեր շատ հանդիսից և տօնակատարութեանց մէջ ևս կ'երգուէին ՚ի լուր ժողովրդեան, որ անշուշտ լլսելով իւր աստուածոց շամբշութիւնները և կատաղի պատերազմները մի և նոյն զգացումներով ինքն եւս կը գրգռուէր նոցա նմանող լինելու մեծ եռանդով և միթէ բուն իսկ այն չէ՞ պատճառն որ հեթանոսութեան կրօնական տօնախմբութեանց և հանդիսից օրերն աւելի նշանաւոր և համբաւեալ եղած են ամենատեսակ ապականութեանց մասին, որոց մէջ ամենէն աւելի նշանաւորն է Սպանդարտօփական տօնը, որ քաղաքակիրթ և յառաջագէժ Հռովմայեցիներէն եւս համակրութեամբ ընդունուելով կը կատարուէր մեծ պատրաստութիւններով եւ գիշեր ատեն՝ որոյ ուրախութեանց մասնակից էին անխափր թէ՛

արական և թէ՛ իգական սեռերն ամենայն համարձակութեամբ, որոց մէջ թերեւս մի քիչ պատկառօտներն՝ գիշերային մթութեան շնորհիւ առաւել համարձակութիւն կը ստանային. այս ապականալիք տօնի զազրալի ապականութիւններն, քստմնելի ոճրագործութիւններն և անլուր անկարգութիւններն հետզհետէ այնքան կը բազմանան և այնքան կը յառաջագիժեն, որ ետքէն սպանդարտօփական տօնը մահադոյժ խորհրդոյ պատուանունը կ'ըստանայ եւ Հռովմայի մեծ ծերակոյտն մեծ դժուարութեամբ հազիւ կարող կը լինի խափանել զայն:

Ահաւասիկ այս էր հեթանոս աշխարհի բարոյականի վիճակը, այս էր նորա մարդկահնար կրօնի արդիւնքը, ասոնք էին նոցա պաշտած ողորմելի աստուածները և այս ապականութեան հեղեղն նոյն աստուածոց առատ բարիքներն են, որք ողորդեցին բոլոր աշխարհ. յորոց գարշելով նոյն իսկ հեթանոսներն յուսահատ իրենց վիճակէն կը սխտիսն աղաղակել, «մինչեւ երկինքէն մարդ մը չիջնէ՛» անհնար է մարդոց փրկութիւնը. եւ արդարեւ այնպէս եղաւ, մարդկային ոչ մի հեղինակութիւն՝ չունեցաւ այն զորութիւնն որ կարողանայ մարդկային ամենի կրից սանձ դնել և նորա ըմբոստ բնաւորութիւնը զսպել և զոր մարդն ինքնին զգալով, իւր աչքերն յերկինս դարձուցած միմիայն անտի օգնութիւն և փրկութիւն կ'ըսպասէր. սոցա հետ միասին Հրէական ազգն անգամ որ թէպէտ ունէր իրեն ուղղեցոյց մի Աստուածային օրինագիրք և այնու վերահասու լինելով ճշմարիտ Աստուծոյ ամենաբարի կամօց և յայտնութեանց կարող էր հեթանոսներէն աւելի բարձր և արժանաւորել կեանք մը վարել աշխարհի վրայ և օրինական

պարտքերը կատարելով հանդերձելոյն մէջ յուսալ վրկութեան, սակայն սա եւս իւր կրած բազմադիմի նեղութեանց, տառասպանաց և գերութեան պատճառաւ, թէ՛ դրացի և թէ՛ տիրապետող հեթանոս ազգերէն շատ մը հեթանոսական սովորութեանց և մութութեանց վարժած լինելով՝ շեղած էր ուղղութեան ճանապարհէն, մանաւանդ գոյացած էին իւր մէջ հերձուածներ եւս ինչպէս էին Սադուկեցիք, որք ուրանալով հոգւոյ անմահութիւնը, հանդերձեալ կեանքը եւ յաւիտենական վարձքն ու պատիժը անտարբեր էին օրինաց հետեւողութեան և սլատուիրանապահութեան, մաս մը եւս որք Նոր Ատակարանի մէջ ընդհանրապէս դառք Դպրաց և Փարիսեցւոց կ'անուանին, թէեւ շատ նախանձաւոր և հաւատարիմ էին արտաքին սրաշտամանց և ծիսական բազմակողմանի արարողութեանց ճշդիւ գործադրութեան, սակայն այս միայն արտաքին ցոյց մը լինելով ներքին կերպիւ հեռացած և օտար էին Աստուածային օրինաց բուն հոգիէն և նորա բոլորովին հակառակ կեանք մը կը վարէին. իսկ ստորին կարգի ռամիկ ժողովուրդն եւս իւր առաջնորդաց եւ օրէնուսոց վարդապետաց իրենց վարդապետութեանց դէմ ընդդէմ հակառակ կեանքը տեսնելով շուարած և գայթակղած ինչ ընելիքը չէր գիտէր, վերջապէս թէ՛ Հեթանոս և թէ՛ Հրէայ յայտնապէս զգալով իրենց վիճակի նուաստութիւնը ընդ նմին ըզգալով եւ իրենց օրինաց զիրենք այն նուաստութենէն բարձրացնելու անկարողութիւնը, նա մանաւանդ Մեսիայի գալտեան համար Մարգարէից նշանակած ժամանակի մերձենալն եւս տեսնելով, ամենքն առհասարակ ակրնդէտ նմա կրսպասէին և նորա ձեռամբ

իրենց կենաց մի ամենանոր հեղափոխութեան կ'ակնկալէին, որպէս զի ըստ թափին, որպէս զի ուշաբերին, որպէս զի լուսաւորուին և յլերջապէս, որպէս զի կարողանան իբրեւ մարդ՝ մարդկային արժանապատուութեան համեմատ ապրիլ եւ իրենց բուն նպատակակետին ծառայել, որուն չը կարողացաւ մարդ կատարելապէս հասնիլ. նախ քան զքրիստոնէութիւն և միայն քրիստոնէական այն Աստուածային ամենաբարձր կրօնքն եղաւ այս մասին դատարարակ և ուղղիչ մարդոյն դէպ ՚ի իւր վտեմ կոչումն և Աստուածային նպատակը. Բազում դարերէ ՚ի վեր ՚ի Հրէից եւ Հեթանոսաց ակնկալեալ այն Աստուածամարդն իջաւ յերկնից ՚ի խոնարհ. իւր Աստուածային վարդապետութիւններով լուսաւորեց մարդկային խաւարապատ հոգիները՝ զարթոյց նոցա թմբեալ սրտերը, ուսոյց անոնց՝ առ Աստուած, առ անձն և առ ընկերս ունեցած պարտաւորութիւնները, դրաւ երկրի վրայ քրիստոնէական կրօնի այն հաստատուն անկիւնաքարը, որուն ընդհարուելով փշուրեցան ամեն մարդկահնար կրօններն, սովրեցուց մարդոց աշխարհի վրայ բարւոք ապրելու և երկնից մէջ անմահանալու եղանակը, մատնանիչ ցոյց տուաւ նոցա արքայութեան դուռը և երկնից ճանապարհը, բացաւ նոցա առջեւ անարգել ամեն յառաջագիմութեան բարօրութեան և երջանկութեան ճանապարհը, ընդհանուր մարդկութիւնը ՚ի մի յօդեց սիրոյ և եղբայրութեան ամրասիւնդ կապելով. այս ամենը՝ երկրի վրայ ինքն անձամբ առնելէն զինի, երբ անդրէն յերկինս վերացաւ, աւանդեց մարդոյն իւր նուիրական կտաղիքը՝ Ս. Աւետարանը, որով 1877 տարիէ ՚ի վեր կառավարուելով Քրիստոնէայ ազգերն

կը զարդանան, կը զօրանան, կը կատարելագործուին և կը յառաջադիմեն, սիրոյ և եղբայրութեան մէջ, առաքիւնութեան և մարդասիրութեան մէջ, կրթութեան և դաստիարակութեան մէջ, միով բանիւ ամեն օգտակար բանի մէջ. հետեւաբար կը սարսափուրիմք համարձակ խոստովանիլ, որ ներկայ դարուն այն ամեն շնորհքները, այն ամեն յառաջադիմութիւնները, այն ամեն դիւրութիւնները և բարիքները, զորս այսօր ընդհանուր մարդ-

կութիւնը կը վայելէ, կը պարտիմք Քրիստոնէութեան եւ Աստուածային Ս. Գրոց, որ նոյն Աստուածային կրօնի օրինագիրքն կամ լաւ եւս է ասել դասագիրքն է. ապա ուրեմն սոյն բազմազան քննութենէն ևս ակն յայտնի կը աեսնուի թէ Ս. Գրոց ընթերցանութիւնը կամ լաւ եւս է ասել ուսումն՝ սրբան կարեւոր է մարդոյն ամեն բանի համար եւս:

(Շարունակելի:)

## Խ Ա Չ Ե Լ Ո Ի Թ Ի Ի Ն

Ո՛վ զոր 'ի նուէր ինձ ետուն շրթունքն անզօր ոգեսպառ,  
Յողջոյն յետին հրաժեշտին, հուսկ 'ի շնչոյն տուր և առ,  
Խորխորհնէրդ սուրբ նըշան, պարգեւ ձեռին դաշկահար,  
Ո՛վ Արարչիս վեհ նըկար.

Քանի լալիք զանձկայրեաց թացին ըզբոյդ պատուանդան,  
Յօրմէհետէ 'ի ձեռս իմ անկար աստէն դողդօջուն,  
Թողեալ զուրուք վըկայի ըզճոյրն ջերմ՝ յեռանդան,  
Տամսէկ դեռ հուսկ 'ի շնչոյն:

Տըմոյն լապտերք վայլէին յետին յաղօտ ինչ նըշոյլ.  
Երէցն անդէն միմընջեր զանոյշ եղերք ըզմահուն,  
Հանգոյն երգոց ողբագին՝ զոր մնչիցէ քաղցրասոյլ  
Մայր առ մանկիկն իւր 'ի բուն:

Ճակատն յուսոյն իւր պարկեշտ ունէր ըզհետս անդ անջինջ.  
Եւ 'ի դէմս իւր մահագոյն՝ յօգոստափառ հարեալ գեղ,  
Վիշտն անցաւոր փախըստեայ՝ դրօշմէր ըզնորհըս իւր ջինջ,  
Եւ մահ՝ ըզփառսըն ջըքեղ:

Հողմ ո գգուէր հեղաբար ըզհերս գլխոյն հոլանի՝  
Մերթ բացխըրիկ մերկանայր և մերթ քողէր ըզդէմս իւր.  
Ձերդ 'ի շիրիմ՝ մարմարեայ ճօճեալ ձեմին յերերի  
Ըստուերք նոճեաց թըխաթոյր: